



**REPUBLIKA E SHQIPËRISË**  
**KOMISIONI QENDROR I ZGJEDHJEVE**  
**KOMISIONERI SHTETËROR I ZGJEDHJEVE**

|           |            |
|-----------|------------|
| Tiranë më | 26.2.2025  |
| Nr.       | 1356 prot. |

**NJOFTIM**

**Për thirrjen e mbledhjes së Komisionit Rregullator**

E nderuar Kryetare e Komisionit Rregullator,

Të nderuar anëtarë,

Në mbështetje të shkronjës "c", të pikës 1, të nenit 19, të ligjit nr.10019, datë 29.12.2008 "Kodi Zgjedhor i Republikës së Shqipërisë", të ndryshuar, Komisioneri vë në lëvizje Komisionin Rregullator sa herë që paraqiten çështje të kompetencës së tij.

Ju vë në dijeni se janë përgatitur projektvendimet si vijon:

1. Projektvendim "Për disa shtesa dhe ndryshime në vendimin nr. 13, datë 6.4.2021, të Komisionit Rregullator "Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore",
2. Projektvendim "Për disa ndryshime në vendimin nr. 18, datë 14.4.2021, të Komisionit Rregullator "Për miratimin e udhëzuesve për mënyrën e raportimit financiar nga partitë politike, kandidatët e listave shumëëmërore dhe kandidatët e propozuar nga zgjedhësit për fushatën zgjedhore për zgjedhjet për Kuvendin e Shqipërisë".

Propozoj thirrjen e mbledhjes së Komisionit Rregullator për shqyrtimin e këtyre projektvendimeve.

Bashkëlidhur do të gjeni kopje të projektvendimeve dhe relacioneve shoqëruese.

**Komisioneri Shtetëror i Zgjedhjeve**

**Hirjan CELIBASHI**





**KOMISIONI QENDROR I ZGJEDHJEVE**  
**KOMISIONERI SHTETËROR I ZGJEDHJEVE**  
Drejtoria e Subjekteve Zgjedhore, Mbikëqyrjes, Financimit dhe Monitorimit

Data

Nr.

Prot.

**RELACION**

**PËR PROJEKTVENDIMIN**

**PËR DISA SHTESA DHE NDRYSHIME NË VENDIMIN NR. 13, DATË 6.4.2021, TË KOMISIONIT RREGULLATOR "PËR PËRCAKTIMIN E RREGULLAVE PËR RAPORTIMIN FINANCIAR TË SUBJEKTEVE ZGJEDHORE, KONTROLLIN DHE VERIFIKIMIN E FINANCIMEVE DHE SHPENZIMEVE TË TYRE GJATË FUSHATËS ZGJEDHORE"**

**I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI**

Neni 20, pika 1, shkronja "F", i ligjit nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar, ka parashikuar kompetencën e Komisionit Rregullator për të nxjerrë rregullat për raportimin financiar të subjekteve zgjedhore, rolin dhe përgjegjësitë e financierëve të subjekteve zgjedhore, monitorimin dhe auditimin e pavarur të tyre, si dhe për hetimin administrativ të informacioneve, kërkesave, propozimeve, ankesave apo denoncimeve për shkeljet lidhur me financimin apo shpenzimet e fushatës.

Neni 63, pikat 1 e 2, të ligjit nr. 10019, datë 29.12.2008, "Kodi Zgjedhor i Republikës së Shqipërisë", i ndryshuar, përcakton se subjekti zgjedhor është një parti politike ose një koalicion partish politike, të cilët paraqesin listë kandidatësh, si dhe mund të jetë edhe një shtetas shqiptar me të drejtë vote, i cili propozohet si kandidat për deputet nga një grup zgjedhësish.

Neni 92/1 i ligjit nr. 10019, datë 29.12.2008, "Kodi Zgjedhor i Republikës së Shqipërisë", i ndryshuar, parashikon financimin e subjekteve zgjedhore nga fondet jopublike, kufizimet e dhurimeve që çdo person juridik apo fizik vendas mund t'i japë subjekti zgjedhor, si dhe ndalimet e fondeve nga një person juridik apo çdo aksionar i tij nëse ndodhet në kushtet e konfliktit të interesit sipas përcaktimeve në Kodin Zgjedhor.

Nenet 92/2 dhe 92/3 të ligjit nr. 10019, datë 29.12.2008, "Kodi Zgjedhor i Republikës së Shqipërisë", i ndryshuar, përcaktojnë regjistrimin e fondeve jopublike nga çdo subjekt zgjedhor, të cilët duhet të regjistrojnë në një regjistër të posaçëm, të miratuar me Vendim të KQZ-së, shumën e fondeve të përfituara për çdo person fizik apo juridik, si dhe të dhëna të tjera që lidhen me identifikimin e qartë të dhuruesit, huadhënësit apo kredidhënësit, nënshkrimin e deklaratës, e cila nënshkruhet në çastin e dhurimit, si dhe deklarimi dhe publikimi i raportit financiar për fushatën zgjedhore që çdo subjekt zgjedhor është i detyruar të paraqesë në Komisionin Qendror të Zgjedhjeve brenda 60 ditëve nga shpallja e rezultatit përfundimtar të zgjedhjeve.

Neni 92/6 i ligjit nr. 10019, datë 29.12.2008, "Kodi Zgjedhor i Republikës së Shqipërisë", i ndryshuar, përcakton auditimin e fondeve dhe shpenzimeve të fushatës zgjedhore për çdo parti politike të regjistruar si subjekt zgjedhor apo kandidatët e propozuar nga zgjedhësit jo më vonë se 5 (pesë) ditë pas shpalljes së rezultatit përfundimtar të zgjedhjeve nga ekspertë kontabël të licencuar dhe të përzgjedhur nga KQZ-ja.

Në zbatim të neneve 20, pika 1, shkronja "f", 92/1, 92/2, 92/3 dhe 92/6 të ligjit nr. 10019, datë 29.12.2008, "Kodi Zgjedhor i Republikës së Shqipërisë", i ndryshuar, është hartuar projektvendimi "Për disa shtesa dhe ndryshime në vendimin nr. 13, datë 6.4.2021, të Komisionit Rregullator "Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore".

Duke vlerësuar nga pikëpamja e objektit që trajton ky projektvendim, vlerësohet nga ana e ligjshmërisë se është në kompetencë të Komisionit Rregullator për ta shqyrtuar.

## **II. PËRMBLEDHJE SHPJEGUESE E PËRMBAJTJES SË PROJEKTVENDIMIT**

Hartimi i këtij projektvendimi erdhi si nevojë për të reflektuar ndryshimet e fundit të Kodit Zgjedhor si dhe për të përshtatur raportimin financiar online në Platformën Elektronike të Raportimit Financiar.

Risitë në këtë projektvendim janë:

- Shtojca për bilancin e aseteve dhe detyrimeve të partisë politike për periudhën nga dekretimi i datës së zgjedhjeve deri në datën e zgjedhjeve. Raporti financiar për fushatë zgjedhore i subjektit zgjedhor përmban informacion të hollësishëm për bilancin e aseteve dhe detyrimeve për periudhën nga dekretimi i datës së zgjedhjeve deri në datën e zgjedhjeve, sipas shtojcës nr. 8, që i bashkëlidhet këtij vendimi.
- Raportimi financiar online për fushatën zgjedhore nga subjektet zgjedhore nëpërmjet Platformës Elektronike të Raportimit Financiar. Ndërveprimi në këtë platformë mundëson/krijon një mundësi shumë të mirë për administrim të plotë dhe të saktë të të dhënave të raportuara për të ardhurat dhe shpenzimet e subjekteve zgjedhore. Komisioni Qendror i Zgjedhjeve u mundëson subjekteve zgjedhore dorëzimin e raporteve financiare të fushatës zgjedhore edhe nëpërmjet Platformës Elektronike të Raportimit Financiar (PERF), e cila gjendet në faqen e internetit të Komisionit Qendror të Zgjedhjeve, [www.kqz.gov.al](http://www.kqz.gov.al). Plotësimi dhe dorëzimi i raportit financiar të fushatës zgjedhore nëpërmjet Platformës Elektronike të Raportimit Financiar bëhet sipas procedurave të parashikuara në aktin përkatës të miratuar nga KQZ-ja.
- Audituesi ligjor i dorëzon projekt-raportin e auditimit subjektit zgjedhor, të cilit i jepet mundësia për t'u njohur paraprakisht me gjetjet nga auditimi i pasqyrave financiare dhe për t'ju përgjigjur me observacione ose materiale shtesë, audituesit ligjor për të pasur një raport auditimi përfundimtar sa më të plotë duke pasqyruar situatën reale financiare. Format i standardizuar i projekt-raportit të auditimit përmban gjetje dhe rekomandime përkatëse sipas shtojcës nr. 7, që i bashkëlidhet këtij vendimi.
- Përgjegjësitë e financierit të partisë politike për monitorimin e tejkalimit të dhurimeve sipas nenit 92/2, pikat 4 e Kodit Zgjedhor, i ndryshuar: - kontrollon të gjitha shpenzimet e bëra nga një subjekt zgjedhor pa përfshirë kandidatët e tij, për fushatën zgjedhore, duke

vlerësuar mostejkalimin e kufirit të shpenzimeve i cili nuk duhet të jetë më shumë se 5 herë më i madh se shuma më e lartë që ka marrë një subjekt zgjedhor nga fondet publike për qëllime zgjedhore.

- Detyrimi dhe përgjegjësia e dorëzimit të raportit financiar për kandidatët e listave shumemërore. Kandidati i listës shumemërore ka detyrimin të informojë brenda 30 (tridhjetë) ditëve nga data e zgjedhjeve financierin e partisë politike/financierin e partisë udhëheqëse të koalicionit, mbi të ardhurat dhe shpenzimet e kryera gjatë fushatës.
- Rregullat dhe mënyra e raportimit nga kandidatët e propozuar nga zgjedhësit. Kandidati i propozuar nga zgjedhësit dokumenton dhe regjistron vlerat e fondeve të përfituara nga çdo person fizik ose juridik, si dhe të dhëna të tjera që lidhen me identifikimin e dhuruesit, huadhënësit ose kredidhënësit sipas modeleve që i bashkëlidhen këtij vendimi.

Për sa më lart, në këtë relacion, Komisioneri Shtetëror i Zgjedhjeve i propozon Komisionit Rregullator, brenda kompetencave të veta dhe në respektim të detyrimeve e afateve ligjore të përcaktuara në ligjin nr. 10019, datë 29.12.2008, “Kodi Zgjedhor i Republikës së Shqipërisë”, i ndryshuar, shqyrtimin dhe miratimin e projektvendimit “Për disa shtesa dhe ndryshime në vendimin nr. 13, datë 6.4.2021, të Komisionit Rregullator “Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore”.

**Licela VELIU**

- Drejtoria e Subjekteve Zgjedhore, Mbikëqyrjes, Financimit dhe Monitorimit

**Pavlina DOÇAJ**

- Drejtoria e Ligjshmërisë

**Majlinda ÇELMETA**

- Sekretar i Përgjithshëm (në mungesë dhe me urdhër)



REPUBLIKA E SHQIPËRISË  
KOMISIONI QENDROR I ZGJEDHJEVE  
KOMISIONI RREGULLATOR

Tiranë më                      protdate

Nr.                      protonumber

Data: DD MM VVVV

Nr:000-000

Ora: HH:MM

**VENDIM**

**PËR DISA SHTESA DHE NDRYSHIME NË VENDIMIN NR. 13, DATË 6.4.2021, TË KOMISIONIT RREGULLATOR "PËR PËRCAKTIMIN E RREGULLAVE PËR RAPORTIMIN FINANCIAR TË SUBJEKTEVE ZGJEDHORE, KONTROLLIN DHE VERIFIKIMIN E FINANCIMEVE DHE SHPENZIMEVE TË TYRE GJATË FUSHATËS ZGJEDHORE"**

Në mbështetje të neneve 20, pika 1, shkronja "f", 92/1, 92/2, 92/3, 92/6, të ligjit nr. 10019, datë 29.12.2008 "Kodi Zgjedhor i Republikës së Shqipërisë", të ndryshuar, me propozimin e Komisionerit Shtetëror të Zgjedhjeve, Komisioni Rregullator

**V E N D O S:**

- I. Në vendimin nr. 13, datë 6.4.2021, të Komisionit Rregullator "Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore", bëhen këto shtesa dhe ndryshime:

1. Në nenin 3, pas pikës 1, shtohet pika 1/1 me këtë përmbajtje:

"1/1. Raporti financiar për fushatë zgjedhore i subjektit zgjedhor përmban informacion të hollësishëm për bilancin e aseteve dhe detyrimeve për periudhën nga dekretimi i datës së zgjedhjeve deri në datën e zgjedhjeve, sipas shtojcës nr. 8, që i bashkëlidhet këtij vendimi.

2. Në nenin 3, pas pikës 2, shtohet pika 2/1 me këtë përmbajtje:

"2/1. Komisioni Qendror i Zgjedhjeve u mundëson subjekteve zgjedhore dorëzimin e raporteve financiare të fushatës zgjedhore edhe nëpërmjet Platformës Elektronike të

Data: dd mmvvvv Nr: 123-456  
Ora: hh:mm



"Për disa shtesa dhe ndryshime në vendimin nr. 13, datë 6.4.2021, të Komisionit Rregullator "Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore"

Raportimit Financiar (PERF), e cila gjendet në faqen e internetit të Komisionit Qendror të Zgjedhjeve, [www.kqz.gov.al](http://www.kqz.gov.al). Plotësimi dhe dorëzimi i raportit financiar të fushatës zgjedhore nëpërmjet Platformës Elektronike të Raportimit Financiar bëhet sipas procedurave të parashikuara në aktin përkatës të miratuar nga KQZ-ja.

3. Në nenin 5, pas pikës 1, shtohet pika 1/1 me këtë përmbajtje:

“1/1. Audituesi ligjor i dorëzon projekt-raportin e auditimit subjektit zgjedhor, të cilit i jepet mundësia për t’u njohur paraprakisht me gjetjet nga auditimi i pasqyrave financiare dhe për t’ju përgjigjur me observacione ose materiale shtesë, audituesit ligjor për të pasur një raport auditimi përfundimtar sa më të plotë duke pasqyruar situatën reale financiare. Format i standardizuar i projekt-raportit të auditimit përmban gjetje dhe rekomandime përkatëse sipas shtojcës nr. 7, që i bashkëlidhet këtij vendimi.

4. Në nenin 5, pika 2, ndryshohet shtojca nr. 4, sipas lidhjes që i bashkëlidhet këtij vendimi.

5. Në nenin 6, pika 2, shkronja “b”, ndryshohet shtojca nr. 5, sipas lidhjes që i bashkëlidhet këtij vendimi.

6. Pika 7 e nenit 8 ndryshohet si vijon:

“7. kontrollon të gjitha shpenzimet e bëra nga një subjekt zgjedhor pa përfshirë kandidatët e tij, për fushatën zgjedhore, duke vlerësuar mostejkalimin e kufirit të shpenzimeve i cili nuk duhet të jetë më shumë se 5 herë më i madh se shumata më e lartë që ka marrë një subjekt zgjedhor nga fondet publike për qëllime zgjedhore.”.

7. Në nenin 8, pika 8, ndryshohet shtojca nr. 6, sipas lidhjes që i bashkëlidhet këtij vendimi.

8. Pika 2 e nenit 9, ndryshohet si vijon:

“2. Kandidati i listës shumemërore ka detyrimin të dorëzojë brenda 30 (tridhjetë) ditëve nga data e zgjedhjeve, raportin financiar të fushatës të financieri i partisë politike/financieri i partisë udhëheqëse të koalicionit.

9. Pas pikës 2, të nenit 9, shtohet pika 2/1, me këtë përmbajtje:

“2/1. Kandidati i propozuar nga zgjedhësit dokumenton dhe regjistron vlerat e fondeve të përfituara nga çdo person fizik ose juridik, si dhe të dhëna të tjera që lidhen me identifikimin e dhuruesit, huadhënësit ose kredidhënësit, sipas shtojcës nr. 3 që i bashkëlidhet këtij vendimi.

- II. Ngarkohet Komisioni Qendror i Zgjedhjeve për zbatimin e këtij vendimi.  
III. Ky vendim hyn në fuqi menjëherë dhe publikohet në faqen zyrtare të internetit të Komisionit Qendror të Zgjedhjeve.  
IV. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit, Tiranë, brenda (5) ditëve nga shpallja e këtij vendimi.

**Ilirjana NANO Kryetar**

Data: dd mmvvvNr: 123-456  
Ora: hh:mm



“Për disa shtesa dhe ndryshime në vendimin nr. 13, datë 6.4.2021, të Komisionit Rregullator “Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore”

**Arens ÇELA      Anëtar**  
**Dritan ÇAKA    Anëtar**  
**Helga VUKAJ     Anëtar**  
**Muharrem ÇAKAJ Anëtar**

Data: dd mmvvvNr: 123-456  
Ora: hh:mm



"Për disa shtesa dhe ndryshime në vendimin nr. 13, datë 6.4.2021, të Komisionit Rregullator "Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore"





**KOMISIONI QENDROR I ZGJEDHJEVE**  
**KOMISIONERI SHTETËROR I ZGJEDHJEVE**  
Drejtoria e Subjekteve Zgjedhore, Mbikëqyrjes, Financimit dhe Monitorimit

Data

Nr.

Prot.

**RELACION**

**PËR PROJEKTVENDIMIN**

**PËR DISA NDRYSHIME NË VENDIMIN NR. 18, DATË 14.4.2021, TË KOMISIONIT RREGULLATOR “PËR MIRATIMIN E UDHËZUESVE PËR MËNYRËN E RAPORTIMIT FINANCIAR NGA PARTITË POLITIKE, KANDIDATËT E LISTAVE SHUMËEMËRORE DHE KANDIDATËT E PROPOZUAR NGA ZGJEDHËSIT PËR FUSHATËN ZGJEDHORE PËR ZGJEDHJET PËR KUVENDIN E SHQIPËRISË”**

**I. VLERËSIMI I LIGJSHMËRISË DHE HARMONIZIMI ME LEGJISLACIONIN NË FUQI**

Neni 20, pika 1, shkronja “gj”, i ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, ka parashikuar kompetencën e Komisionit Rregullator për të miratuar projekt akte me karakter normativ për udhëzuesit dhe doracakët në shërbim të administratës zgjedhore, subjekteve zgjedhore dhe zgjedhësve.

Në zbatim të nenit 20, pika 1, shkronja “gj”, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar si dhe vendimit nr. 13, datë 6.4.2021, të Komisionit Rregullator “Për përcaktimin e rregullave për raportimin financiar të subjekteve zgjedhore, kontrollin dhe verifikimin e financimeve dhe shpenzimeve të tyre gjatë fushatës zgjedhore”, të ndryshuar, është hartuar projektvendimi “Për disa ndryshime në vendimin nr. 18, datë 14.4.2021, të Komisionit Rregullator “Për miratimin e udhëzuesve për mënyrën e raportimit financiar nga partitë politike, kandidatët e listave shumëemërore dhe kandidatët e propozuar nga zgjedhësit për fushatën zgjedhore për zgjedhjet për Kuvendin e Shqipërisë”.

Duke vlerësuar nga pikëpamja e objektit që trajton ky projektvendim, vlerësohet nga ana e ligjshmërisë se është në kompetencë të Komisionit Rregullator për ta shqyrtuar.

**II. PËRMBLEDHJE SHPJEGUESE E PËRMBAJTJES SË PROJEKTVENDIMIT**

Hartimi i këtij projektvendimi erdhi si nevojë për të reflektuar ndryshimet e fundit të Kodit Zgjedhor si dhe për të përshtatur raportimin financiar online në Platformën Elektronike të Raportimit Financiar.

Partitë politike/subjektet zgjedhore, të cilat marrin pjesë në zgjedhje, kandidatët dhe mbështetësit e tyre janë të detyruar të zbatojnë rregullat për financimin e fushatës zgjedhore.



Këta udhëzues synojnë të shpjegojnë aspektet kryesore të kuadrit ligjor dhe në veçanti të ndihmojnë partitë politike, kandidatët e listave shumemërore, si dhe kandidatët e propozuar nga zgjedhësit që garojnë në zgjedhje për Kuvend, për mënyrën e plotësimit të raporteve financiare të fushatës zgjedhore, sipas përcaktimeve ligjore në fuqi.

Në funksion të këtij qëllimi, janë përgatitur 3 (tre) udhëzues përkatësisht:

- 1-Udhëzues për raportimin e partive politike;
- 2-Udhëzues për mënyrën e raportimit financiar për kandidatët e listave shumemërore;
- 3-Udhëzues për mënyrën e raportimit financiar për kandidatët e propozuar nga zgjedhësit.

Udhëzuesit janë të ndarë në dy pjesë kryesore:

- Pjesa e parë paraqet një pasqyrë të kuadrit ligjor që rregullon aspektet e financimit të fushatave zgjedhore.
- Pjesa e dytë ofron udhëzime për mënyrën e plotësimit të formateve të raportimit financiar.

Në pjesën e parë të udhëzuesve përfshihen përkufizime dhe shembuj konkretë të raportimit të financave në formatet standarde të miratuara në përputhje me kuadrin ligjor. Në pjesën e dytë shpjegohet regjistrimi i veprimeve financiare në formatet e standardizuara dhe mënyra e duhur e raportimit të tyre.

Pjesë përbërëse e këtyre udhëzuesve janë të gjitha shpjegimet e nevojshme që kanë të bëjnë me sesionet kryesore të formatit tip të raportimit si më poshtë:

Për partinë politike:

1. Përmbledhje financiare
- 2.a Të ardhura - Financime publike
- 2.b Të ardhura monetare - Financime jopublike
- 2.c Të ardhura, dhurime në natyrë - Financime jopublike
- 2.d Të ardhura të krijuara nga vetë partia politike/subjekti zgjedhor - Financime jopublike
3. Huatë dhe Kreditë
4. Shpenzimet e partisë/subjektit
- 5.a Raportet e kandidatëve të listave shumëemërore për Kuvend
6. Shpenzimet për mitingjet e fushatës (pasqyrë)

Për kandidatët e listave shumemërore:

1. Përmbledhje financiare
- 2.a Të ardhura monetare - Financime jopublike
- 2.b Të ardhura, dhurime në natyrë - Financime jopublike
- 2.c Huatë dhe Kreditë
3. Shpenzime

Për kandidatët e propozuar nga zgjedhësit:

1. Përmbledhje financiare
- 2a. Të ardhura – financime publike

- 2b. Të ardhura nga dhurime monetare jo-publike (private)
- 2c. Të ardhura nga dhurime në natyrë jo-publike (private)
- 3. Kreditë dhe huatë
- 4. Shpenzime
- 5. Shpenzimet për mitingje në fushatë (pasqyrë)

Risi në këtë projektvendim janë:

- Përfshirja e Platformës Elektronike për raportimin financiar;
- Në rast koalicioni kandidatët e listave shumëmemërore dorëzojnë raportet e tyre financiare tek kryefinancieri i partisë të caktuar nga partitë politike përbërëse të koalicionit;
- Përfshirja e vetëfinancimit të kandidatëve të listave shumëmemërore të partisë politike ose koalicionit zgjedhor të regjistruar si subjekte zgjedhore deri në shumën 3 milion lekë, sipas nenit 92/2, pika 3/1, e Kodit Zgjedhor, i ndryshuar.

Për sa më lart, në këtë relacion, Komisioneri Shtetëror i Zgjedhjeve i propozon Komisionit Rregullator, brenda kompetencave të veta dhe në respektim të detyrimeve e afateve ligjore të përcaktuara në ligjin nr.10019, datë 29.12.2008, “Kodi Zgjedhor i Republikës së Shqipërisë”, i ndryshuar, shqyrtimin dhe miratimin e projektvendimit “Për disa ndryshime në vendimin nr. 18, datë 14.4.2021, të Komisionit Rregullator “Për miratimin e udhëzuesve për mënyrën e raportimit financiar nga partitë politike, kandidatët e listave shumëmemërore dhe kandidatët e propozuar nga zgjedhësit për fushatën zgjedhore për zgjedhjet për Kuvendin e Shqipërisë”.

**Licela VELIU**

- Drejtorja e Subjekteve Zgjedhore, Mbikëqyrjes, Financimit dhe Monitorimit

**Pavlina DOÇAJ**

- Drejtorja e Ligjshmërisë

**Majlinda ÇELMETA**

- Sekretar i Përgjithshëm (në mungesë dhe me urdhër)



REPUBLIKA E SHQIPËRISË  
KOMISIONI QENDROR I ZGJEDHJEVE  
KOMISIONI RREGULLATOR

Tiranë më \_\_\_\_\_ protdate  
Nr. \_\_\_\_\_ protonumber

Data: DD MM VVVV

Nr:000-000

Ora: HH:MM

**VENDIM**

**PËR DISA NDRYSHIME NË VENDIMIN NR. 18, DATË 14.4.2021, TË KOMISIONIT RREGULLATOR “PËR MIRATIMIN E UDHËZUESVE PËR MËNYRËN E RAPORTIMIT FINANCIAR NGA PARTITË POLITIKE, KANDIDATËT E LISTAVE SHUMËEMËRORE DHE KANDIDATËT E PROPOZUAR NGA ZGJEDHËSIT PËR FUSHATËN ZGJEDHORE PËR ZGJEDHJET PËR KUVENDIN E SHQIPËRISË”**

Në mbështetje të nenit 20, pika 1, shkronja “gj”, të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, me propozimin e Komisionerit Shtetëror të Zgjedhjeve, Komisioni Rregullator

**V E N D O S:**

- I. Në vendimin nr. 18, datë 14.4.2021, të Komisionit Rregullator “Për miratimin e udhëzuesve për mënyrën e raportimit financiar nga partitë politike, kandidatët e listave shumëemërore dhe kandidatët e propozuar nga zgjedhësit për fushatën zgjedhore për zgjedhjet për Kuvendin e Shqipërisë”, bëhen këto ndryshime:
  1. Në pikën 1, shtojca 1, shtojca 2 dhe shtojca 3, ndryshohen me shtojcat që i bashkëlidhen këtij vendimi.
- II. Ngarkohet Komisioni Qendror i Zgjedhjeve për zbatimin e këtij vendimi.
- III. Ky vendim hyn në fuqi menjëherë dhe publikohet në faqen zyrtare të internetit të Komisionit Qendror të Zgjedhjeve.
- IV. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit, Tiranë, brenda (5) ditëve nga shpallja e këtij vendimi.

**Ilirjana NANO Kryetar**

**Arens ÇELA Anëtar**

**Dritan ÇAKA Anëtar**

**Helga VUKAJ Anëtar**

**Muharrem ÇAKAJ Anëtar**

Data: dd mmvvvv Nr: 123-456  
Ora: hh:mm



“Për disa ndryshime në vendimin nr. 18, datë 14.4.2021, të Komisionit Rregullator “Për miratimin e udhëzuesve për mënyrën e raportimit financiar nga partitë politike, kandidatët e listave shumëemërore dhe kandidatët e propozuar nga zgjedhësit për fushatën zgjedhore për zgjedhjet për Kuvendin e Shqipërisë”